

情競

冊

情競上卷

第一章

外史氏曰。人同此性。卽同此情。性者自由之母也。情者自由之產兒也。不自由。毋寧死。生命不足惜。復何有於愛情。斯時有一女子。頓啟其驕抗之言。幕語一紳士曰。克林敦勳爵。君與托利文女。感情名譽。信越英倫。但余以爲世間。勿論何人。苟具有何等之人格。未有不自知寶貴其素性者。克林敦勳爵曰。雷兌梅素性者何。耶梅曰。無疑義。是卽任女子。無論已嫁未嫁。隨處而得自由。是也。語次微噉紳士之面色。已有所沮。旣復取證以畢其蘊。曰。克林敦余非虛譔。余決謂閨閫婦女。應常得終身之自由。主余所知者。如吾母。親性情之溫。和殆未有能出其右者。在英倫亦極有爲人妻者。服從之顯名。究其眞實。所有吾父一思一動。莫不爲吾母管轄。語至此。克林敦頷其意旨。非不慮爲丈夫短氣。而籌極端之反對。然默察其嬌豔之容態。清脆之齒舌。若

名花好鳥賣弄春驕絕不忍作激烈語表著其拂逆乃赧赧然以答曰梅爾言信有徵歟余敢再爲之訓詁以待將來余終謂男子得享有管轄並督理及調度一切之權婦女則惟有依順並商量及指導之！！語未竟雷兌梅急抵曰嘻是何言歟余必難遵此苛例是時克林敦亦頗悔語嫌過激致失愛護之初意而雷兌梅驕抗之容態益足有令人觀而下氣者無已克林敦欲遮斷過界之言度乃轉爲情懇之辭曰梅余非純一之反對惟爾係余聘定爲妻之人若爾行動余有反對之處必寓有反對之原理爾曷不退讓以自留餘地耶雷兌梅忿然曰君爲此言厥有原理莫非爲余曾舞於沙帝義子爵之側致爾得有所挾持以反對於余乎克林敦亦忿然曰然余極反對於此梅益忿曰事極背理復詰曰果背理否耶克林敦是時面微頰仍冀以情懇之演說挽其驕傲矍然曰梅余與爾論情耳何云乎理憶余叨上帝幸福得勝而獲爾爾係世間最美最可愛之女子余已與爾接吻已喚爾爲許嫁於余之妻余何忍再見爾與他人跳舞以揶揄余貴上之威體耶余猶憶跳舞時爾一盤金

絲髮散垂於肩背。一憑子爵之戲弄而共嬉笑。吁。人孰無情。誰能遣此。克林敦言至此。際若周體之肌肉。頗爲抑恨。所振動而猶強支其和色。以待情人之答復。詎知雷兌梅傲慢如故。曰。爾言鑿鑿。則何輕重之有。克林敦見無悔悟神氣。益沮喪。因作最後之語。曰。梅祇有一端。縱極爾之毅力。能使余本性沈於無底絕。無維持之希望。若一旦爲妒嫉之心所激動。引余至盡力可爲之處。爾毋悔。雷兌梅微笑曰。有何大事。噁噁不已。克林敦歎曰。爾等婦女祇知戲弄愛情。不知其中意義之深淺。雷兌梅以秀媚之眼睇眄良久。曰。然將來終有一日。余能使爾回憶是語。其辭曰。婦女祇知戲弄愛情。不知其中意義之深淺。爾可聽余復讀無訛待時。至吾亦能復讀以敵爾所言。克林敦見雷兌梅神氣語言無斯須之退讓。知非意氣之勁敵。乃取狹義以要之。曰。梅爾必須允余所請。爾須云。自後舍余以外。不再與別人跳舞。梅聞言。頓將其媚之容貌附設一種強惡之姿勢。而答曰。余不能允有頃。又靜氣以辯曰。克林敦。卽余今日強以應承。蓋亦非持久之約也。爭未結。忽見司閽者手持一名卡推戶入。至

示以卡曰。雷兌沙帝義爵主至。梅曰。爾如何告彼。聞者曰。吾告彼。不知是否。在邸當進探問。雷兌梅曰。爾可答。余不在家。聞者既去。雷兌梅忽現。有一種最得意而假帶微怒之顏色。語克林敦曰。爾得無謂余殘忍乎。余已使子爵行矣。克林敦曰。總是爾之親愛。爾自主之。雷兌梅因語有譏刺。乃伸一極細柔嫩白之手掌與彼曰。若然。余等今日可勿須爭論矣。克林敦余不能允爾所請。刻余欲與爾告晨別。爾已在此。二小時余尚有客至。克林敦曰。余寵愛者。憑余之愛情。允余言以樂余心。余願足矣。雷兌梅慮又開。無可終結之談判。急伸其潔白之手腕以掩其口曰。母是時倫敦市中。蓋未有美於如克利富宅內之閨秀。亦未有對於感情最厚之人。僅欲得一言之允諾之。必不可得而驕倨之。至於斯極者。考克利富係雷兌梅居宅之地名。雷兌梅係托利文伯爵第。亭南幕鄧單獨之女兒。乃倫敦都城中最有名譽最美麗最殷實之嗣女。伯爵夫人於女六歲時。即亡故。夫人外氏爲密司康司吞勞閣華。亦係著名之嗣女。既嫁後。事業發達。從未見有夫婦相爭之掌故。故雷兌梅嘗稱其母在英倫極

有爲人妻者服從之顯名良有以也氏既亡伯爵以極奢耀之禮儀爲營喪葬高立一紀念碑於墳邱之上又在愛斯亭地方聖堂內造一行善堂積款儲賑以濟貧苦構造精緻世所罕有碧琉璃瓦映帶輝煌後人均稱爲雷兌康司吞之善堂其他更有多數富麗之紀念伯爵自喪偶後不更求配免再娶之煩苦以爲英國法律如托利文之地產及爵銜應享之恆業一嗣女亦能作嗣子之繼續故彼從消積思想而卽以最親愛之女兒以續接其家務於當躬則放棄一切之煩勞縱則徜徉於繁華之城市歛或養遯於枯寂之山林冀自尋悅樂以終天年彼於雷兌梅雖鍾愛一單獨之女兒惟於倦遊之際偶回英倫省視其女時見時長時時尙卽爲完全滿足之希望至於若何而教育其學術若何而增進其道德若何而規誡其過失是否余親愛之女已具有良善之資格蓋從無此種觀念而或一囑咐也梅年十五伯爵因行樂過度忽得酒瘋症而卒於是留彼青年可愛之女兒作爲英倫最富最美嗣女之中一雷兌梅因家庭教育之欠闕因慣習而成爲一定不移風流驕抗之度態卽

尋常之一舉一動亦莫不含有貴上無敵之氣象。至此托利文之爵邸幾乎爲世間不可方擬一寂寞之住宅。縱有與爵銜相連之故舊母族連帶之遠親悉爲其氣燄而沮人踵趾之進步。年十六受彼保護人之忠告遂擇定亡母之堂妹密司勞閣華與彼同居。勞閣華者固一尊崇婦德極良厚之婦人也。彼惟掌管一切瑣事托利文之嗣產及彼母康司吞所遺之財權悉屬於雷兌梅一人之掌握。年十七貌益修美有欲狀其美富者多目爲仙女錄內所載之公主。是歲梅甫與社會稍稍相酬酢於是青年貴族世爵莫不競生狂妄之希冀默禱上帝者不知凡幾而社會中事往往因彼一人增無量之熱度。然雷兌梅年未十九以前祇知炫耀其飾裝行使其豪邁而於男女之情竇從未解一竊發其扁鍵迄後以豔名之遊譽已久贊美之聲奉揚之態觸處皆是果然情種之遭際已至彼之情人卽少年勳爵克林敦亞達克林敦過梅二歲時年已二十有一矣。兩小激發良感之起點並非得之於耽翕和順之中而轉以兩兩之性氣有極端對置之比較。蓋克林敦之人品亦專以雕刻自持而厭

居人下者也。雷兌梅與克林敦訂婚後，即謂雷兌梅自由驕抗之命運已底於終了。之一日，殆無不可。

第二章

克林敦亞達勳爵，既得英倫最美最富嗣女雷兌梅之愛情，花叢大戰之勝局於此告終，而醋海奇突之風潮亦即於此開始。總之雷兌梅自由與驕抗兩種之性質，實構造於穉幼歷久遠而不可奪犯者也。克林敦每於無可容忍之際，欲伸管理之權力以斡旋其一二，無如極一己之言論，忍耐而終受情人之困難，以却步。若窺探其愛己之心，又常見其每過於己分之意料之外，惟雅不欲聞完婚二字之出於人口。若然，即觸其憂恨之觀念，而發爲特別之狀態，以表示其反對。克林敦亦頗曲成其志，不急圖婚，即忍待一二載，亦無不可。然有時或與彼偶議及婚娶之情景，彼即面壁而不答其意。若恃有最富最美之資格訂婚一事，施願已足，而更不能再降格以輕許情人之進步也者，固詰之。或答曰：克林敦爾知愛情與婚娶有庭徑之歧別，余

與爾宜共守目前之和順爲佳。克林敦或有時試之曰：梅是否？爾不愛余耶？則見其面色黯澹，甚至欲哭。若再詰究其相反己意之理，彼簡潔以答曰：余不愛爾，蓋其感情雖達於真密之極處，而其自由與驕抗之性質絕不受人斯須之屈撓。有如此者，自是克林敦愛慕之心不免爲憂懷所抑制。迨後因自由而生嫉妒，因嫉妒而傷感情，嫉妒日增，感情日減。克林敦足迹益不能久離雷兌梅之左右，而歡笑悅樂之談論亦不多聞聽矣。一日雷兌梅午餐方畢，手一盞咖啡，斜坐於自由椅上，注目凝視。若有所懷慕者。密司勞閣華因近日克林敦與彼相值之狀況頗有所疑，因呼曰：梅余之親愛者，今有一事余久欲就爾議，惟以余之分際不免犯干涉之嫌，故囁嚅而不便妄發。雖然，以余觀爾之情人，不可謂無奇異之耐性。然卽爲余之親愛者，計亦不宜悠久之延擱。雷兌梅微笑曰：姨是何言耶？何事延擱耶？姨亦何取乎其耐性而必欲干涉耶？密司勞閣華既經其嬉戲無力之答復，心益悶急，復言曰：梅余親愛者，余非存意以拘汝。余知有數人既守至忍，不可忍時必有異端發見耳。雷兌梅曰：但

吾不知何轉謂余使彼耐守。請姨母告我。密司勞閣華老年閨婦。聞呼姨母。心頗自負。當答曰。告爾耶。爾不知耶。爾試思初次與彼訂婚之日。至今爲何如。久長之時。日耶。現爾既不肯許。定完婚之時。日亦並完婚二字。語未畢。雷兌梅忽起立。置盞於几。鏗然有聲。急言曰。完婚完婚。不談他事。惟完婚而已。爲何不肯留余享數年青春安逸之樂哉。密司勞閣華雖懼其驕抗之鋒。但自仗一姨母之資格。知必可免過分之屈辱。又謂曰。余親愛者。此非愛情之語。雷兌梅切聽此六字。而一種冤恨不明之悶苦。幾欲流淚。乃答曰。爾誤矣。爾大錯矣。余確愛彼。雖然。余德尊之姨母。余且莫辨此爲是否愛情之語。余欲問姨母何故使我而爲此。非愛情之語。請試言之。密司勞閣華曰。余親愛者。余非使爾作此語。余知爾最愛受順意之讚頌。不慣聞逆耳之金石。今可任余終一席之談話。而不發怒氣乎。梅曰。姨母試言之。惟不可以要約而爲放縱之地步。密司勞閣華曰。爾試聽之。余能告爾。爾爲何不喜人提及完婚之故。即使其人爾所素愛者。雷兌梅阻之曰。余確愛彼。斯時密司勞閣華若不聞其插入之

一語急續曰。惟驕抗屬爾之性根。爾喜爾是托利文之雷兌梅。最富之嗣女。現爲麗人中之領袖。爾能布施笑容與愛情者。爾並能專一其愛情以牢固於意中人者。爾惟逞驕抗之神力以得其自由者。然耶否耶。雷兌梅逐條領會。知無有假借語以資其翻駁而嚴峻拒人之度態。亦因以少減。乃曰。余似信爾語之正當。密司勞閣華曰。余親愛者。爾亦知余言正當耶。苟信余言。今後似不可以再驕抗者。上帝每使人心低。是卽力戒驕抗之典實。梅現爾正合造就和順之風度。以免上帝之譴責發見而爲生命之痛苦。梅笑曰。余從不信此。密司勞閣華曰。余親愛者。此係確實之眞詮。蓋未有不信者。卽如克林敦亞達勳爵。今非猶是其人耶。余憶彼初愛爾時者。彼容悲爾亦若有所不豫。今非猶是其人耶。卽據爾頃者之言。一則曰。余確愛彼。再則曰。余確愛彼。殊不知情愛爲締姻之開始。完娶爲情愛之終結。語至此際。乃竊瞰雷兌梅之情狀。見其垂首顰眉。玩弄手戒。而驕抗之素態。竟得驟減。其過半。密司勞閣華續語曰。爾知情愛爾並以情愛之驕抗而使彼欲圖情愛之終結者。不得盡其辭。則亦

何樂乎爾。確愛彼耶。余謂爾既以終身允嫁於彼。則蚤晏必有完娶之一日。爾亦何諱乎此項之談判。語畢。雷兌梅若深有所感。乃答曰。容余思之。密司勞閣華心頗安。以爲驕抗之女子。罕見有退讓過於此時之爽快者。雷兌梅果大悔悟。後與克林敦見。卽發初次之志願。竟許有開議完娶之特權。然言輒面紅。語聲每不樂。三者之竊聽。因此亦頗得情人笑顏喜色之相償。蓋此事爲勞閣華言幕之果結。而吾書之景幕亦自此以開矣。克林敦勳爵遊覽跳舞會之次日。決意欲得已訂婚之雷兌梅舍己而外。不再與他人跳舞之一語。而是項嚴厲之要挾。終不能戰勝於雷兌梅之驕抗。而得其允許。現時得密司勞閣華再三之忠告辭色。意氣與克林敦稍劑平等。致克林敦歡愛之心。益切於前。而惟不再與他人跳舞之一語。絕對的不能獲雷兌梅之承認。蓋克林敦專一欲收此一言之效果。並非因前次沙蒂義子爵之會場導引其苛例。而確有一人最足以堅其嫉妒者。是乃羅師肯公爵也。公爵亦曾求婚於雷兌梅。已被謝絕。但青年公爵不肯心死。百計設法。必欲達到其目的。而後已。彼聞

與克林敦勳爵有訂婚之信。每作兵戰與色戰之兩說。以爲城有一日不下。卽心有一日不灰。有一日之兵權。卽有一日之命令。任彼敵人狡焉據守。而神出鬼沒之計。終不能禁余之展布。所以克林敦急欲得雷兌梅一言之允許。蓋專慮羅師肯之得爲鑒戰之勁敵。但雷兌梅亦學得數種功課。足以保全其自由之性質。掉臂於兩大之間。一日晨起。與克林敦賽騎。旣息。克林敦曰。梅爾往雷兌僕郎會球乎。梅曰。余不多注意於此。雷兌僕郎非吾之極稱意者。克林敦曰。余被逼迫而往。昨日僕郎勳爵遇諸途。不釋余行。直待允諾而後已。梅曰。然則爾決計往耶。爾往。余亦願往。語時。以微笑之。朶頤送其青盼。克林敦深銜。初下之日。光不能使眼綫。兩方之接續。至以爲憾然。自問苟得余心愛之人。常以此式相顧盼。余亦可爲世間之最樂人矣。午後入場會球。雷兌梅極端賣弄其技藝。會與沙帝義子爵同舞。客圈喝采之聲。浪略無斷。絕俱現有極樂之情狀。惟克林敦回憶失敗之要約。若有無限之冤屈傷感與奮怒之主體三者相攻擊。而不可洩。必欲覓一機會以質問其究竟。是晚天頗熱。雷兌梅

與數友乘涼於養花閣。電燈之下，益覺名花美女薈萃。一時克林敦探踪至此，卽謂曰：「梅爾豈絕意反對而欲表著余所再三堅請之約，必不可遵乎？不然，何樂於酬酢也？」雷兌梅猛聞其激刺之語，覺熱血上犯胸系，幾不可遏，但因耳目所集，乃強笑以答曰：「余能自主，況恃有特愛而爲此乎？」克林敦又善言，以語曰：「余親愛者，余思爾既愛余，應於余切要之希望，無論如何宜略須踐行。其約梅曰：踐約耶爾來，余亦來，夫非不踐其約也。語時復以纖白之手，隱捏其臂，曰：去休，勿與余爭論。克林敦當時別無知識，但覺受捏處之酸癢，澈乎心肺，而一切集積主義，均爲消積之客感，以怛化矣。不數月，施溫堂子爵夫人邸中有串戲大會之舉，雷兌施溫堂亦醉心於優孟者之翹楚也。時有一特色之婦人，面稍黑而美俊，氣息傲岸，服時裝飾無限之貴品，以炫耀於疇人廣衆之間。識者知彼爲英倫著名富室之妻，密昔司童白是也。施溫堂意頗不平，故堅力延長會期，欲得一人以敗此婦之美。富徵集衆見羣，謂欲求優勝之效力，必須得美富嗣女雷兌梅托利文。其意旨一經宣布，於是欲親近雷兌梅者，

莫不爭先恐後。預料此會之發達。可操左券。而惟慮克林敦勳爵不欲使其會有成。必極端破壞之。故雷兌施溫堂以全心懇切願往。克利富宅擔承其義務。至見雷兌梅獨在室中心益慰。自計曰。余聞恭者每喜人謙。驕者恆喜人下。子爵夫人與雷兌梅握手畢。卽下坐於其側。將借重之意略述一遍。並謂曰。爾不可却。爾知余非奉承爾者。若爾來可預決是晚之會。必得大效果。雷兌梅猶豫曰。余尙未定。因余從未串演。未信能演與否也。子爵夫人曰。余親愛之雷兌梅。爾勿推却。余信聰慧美女。未有不具有女伶之資格者。余諸事部署終結。惟切盼龍司雷兌到場。雖然爾悉還有一驚怪之事可慰藉乎。梅曰。不知子爵夫人曰。無別也。余知可弗慮。克林敦勳爵反對是事。語既特發一深意之熱笑。雷兌梅沈吟良久。傲問曰。爾如何知之。子爵夫人曰。余親愛之雷兌梅。英倫之半數人多主是說。但非確爲克林敦勳爵之口授。余轉爲之不安。梅曰。何不安耶。子爵夫人曰。因昔晚離俱樂部時。有多數青年官界人各各相賭。梅曰。賭爲何事。答曰。余想非余應能告爾者。事關於爾。雷兌梅面忽紅漲曰。事

關。吾。耶。何。物。紳。士。膽。敢。以。余。爲。彼。等。之。賭。品。雷。兌。施。溫。堂。請。速。告。余。余。非。喜。受。人。之。挪。揄。者。

第三章

雷。兌。施。溫。堂。答。曰。余。親。愛。雷。兌。梅。若。爾。惡。聞。此。言。余。畏。不。敢。告。爾。矣。梅。曰。雷。兌。施。溫。堂。爾。告。余。彼。等。究。爲。何。賭。子。爵。夫。人。曰。無。甚。重。要。想。彼。等。愚。蠢。青。年。自。然。知。爾。與。克。林。敦。勳。爵。結。婚。事。因。是。意。揣。克。林。敦。勳。爵。不。願。以。婚。聘。之。豔。妻。炫。耀。於。遊。蕩。之。處。故。不。能。使。爾。往。雷。兌。梅。傲。曰。若。輩。非。所。謂。能。知。余。者。往。斯。往。矣。奚。必。聽。他。人。之。命。令。耶。子。爵。夫。人。曰。雖。然。尙。有。別。言。更。有。謂。克。林。敦。勳。爵。必。不。能。允。爾。往。者。雷。兌。梅。聞。言。躁。急。曰。是。何。言。耶。余。不。聞。女。子。應。欠。人。順。從。之。債。子。爵。夫。人。急。阻。之。曰。毋。爾。若。克。林。敦。勳。爵。果。有。反。對。則。果。決。前。往。之。意。志。或。仍。不。能。竟。達。其。目。的。語。畢。起。身。長。嘆。徘。徊。躑。步。既。曰。余。實。喜。欲。見。爾。飾。寶。嶺。劇。名。斯。時。雷。兌。梅。以。手。支。頤。不。作。一。語。子。爵。夫。人。覘。其。度。態。知。尙。游。移。以。爲。必。須。仍。用。反。激。之。辭。乃。可。得。其。決。斷。於。是。自。怨。曰。嘻。愚。蠢。

青年其實余之愚蠢更愚蠢於愚蠢青年不然何於余來時已有多數愚蠢青年決定爾之不往也語畢雷兌梅亦起身以答曰雷兌施溫堂爾母悔衆人誤矣余決意允爾所請然余喜爾勿窮詰余之果決子爵夫人作得勝之喜色曰雷兌梅余卽順爾心之喜願不更囑問雖然余亦可使克林敦勳爵得同樂之愉快合延彼飾壳老美而納雷兌梅曰壳老美而納係寶嶺之情人語旣面微赤忽現有一種羞縮之媚態子爵夫人笑謂曰雷兌梅余有切實之要義以爾所愛之情人扮演臺上之情人能使爾與彼益增情愛雷兌梅不待語畢連呼曰不可不可爾太不爲余與克林敦說至此面紅漲不可仰而以極細之語音了此言之義蘊須臾復高聲以作截斷之答復曰余知克林敦勳爵必不允演也子爵夫人忽現其無限遂意之喜色故作躊躇曰不允耶爾知其必不允耶余知其身材修美情思曲折扮演壳老美而納未有能出乎其右者若然則當求其次其惟羅師肯公爵乎其少年才貌演說清白亦可復絕一時但不若克林敦勳爵莊重華美有親貴滿足之氣度爾喜余請此公爵否雷